

Projet : C4 - Theaterstécker aus 3 Epochen

2 - Gallo-Réimer- E Schouldag an der gallo-réimescher Zäit

Eng historesh Komédie vum Natalia Sanchez

Charakteren

Erzieler

D'Joffer (Literata)

De Schüler (Cimarus)

De Schüler (Gennalo)

Den Direkter

Den Erzieler kënnt op d'Bün

Erzieler

Mir hunn d'Joer 345. De réimesche Keeser, de "Konstantin de Groussen" oder den "Hellege Konstantin" ass virun 8 Joer gestuerwen an de Bëschof vun Tréier, de "Maximin of Treveri" ass schwéier beschäftegt, den Tréierer Doum ze bauen. Hie weess et nach net, awer säin Doum wäert ee vun den eelsten preservéierte Kierchen am XXI Joerhonnert ginn, eng grouss Touristenattraktioun!

Awer op där anerer Säit vun der Musel, eng Plaz déi haut Lëtzebuerg heescht, sinn d'Gallo-Réimer och ganz beschäftegt! D'Schouljoer geet op en Enn. Et ass mueres fréi, an d'Kanner an d'Schoulmeeschteren wäerten ufänken mat schaffen! Schüler komme gelaf a setzen sech an hir Bänken. Dann fänken se un mat Pabeier ronderëm ze schéissen an ze spillen. D'Joffer kënnt eran.

Joffer

Gudde Moien, léif Kanner!
(*si waart gedëlleg, datt d'Kanner sech berouegen*)
Gudde Moien, léif Kanner!
(*si bläert*)
Gudde Moien, léif Kanner!
(*D'Kanner halen op ze spillen*)
Ganz gutt léif Kanner, gudde Moien!

Cimarus a Gennalo

Gudde Moien, léif Literata.

Joffer

Sëtzt iech wann ech gelift. Haut léiere mir weider, wéi ee liest a schreift.

Projet : C4 - Theaterstéck Gallo-Réimer

Cimarus (*Mat falschem Enthusiasmus*)

Yupiiii...

Joffer (*streng*)

Pardon, wat hunn ech héieren?

Gennalo (*Mat enger Aart Arroganz*)

Y-u-p-i! Léif Literata, en Ausdrock vu Gléck.

Cimarus *ass genervt*

Joffer (*dreschen*)

Aha, verstinn, huet wann ech gelift ären Diptychon eraus.

D'Kanner huelen hiren Diptychon eraus

Säit 2, nee, nee, pardon, Säit 1. Cimarus, lies wann ech gelift haart vir.

Cimarus

Et deet mir Leed, léif Literata, mäin Tablett ass futti. Ech hunn d'Säit 1 gëschter doheem verluer. Ech mengen meng Geess huet e giess.

Gennalo *laacht*

Joffer (*genervt*)

„Semper Idem!“, Cimarus, lies einfach déi Säit fir, déi's du hues!

Erzieler

Joffer a Schüler huelen eng Statue-Positioun an

„Semper Idem!“, heescht: „Ëmmer dat selwecht“.

Cimarus *probéiert ze liesen mee huet Schwieregkeeten*

Joffer (*schwätzt mat sech selwer*)

„Nil Desperandum“

(*roosen*)

Cimarus! Du bass gläich fäerdeg mat denger Ausbildung! Wéi al bass du elo? 11, nee? A wéi d'Traditioun et wëll, kanns du nëmmen vun 7 bis 11 studéieren. Dat heescht, du hues an all deene Joren näischt geléiert!

Projet : C4 - Theaterstéck Gallo-Réimer

Erzieler

Joffer a Schüler huelen eng Statue-Positioun an

„Nil Desperandum!“, heescht: „Verléier ni d’Hoffnung!“

Joffer

Cimarus!

„Timendi Causa Est Nescire!“

Cimarus *hieft seng Schëlleren*

Erzieler

Joffer a Schüler huelen eng Statue-Positioun an

„Timendi Causa Est Nescire!“, heescht: „De Grond fir d’Angscht ass d’Ignoranz“.

Cimarus *(enthusiastesch)*

Dat weess ech dach Literata, dat ass alles esou langweileg !

Ech wär léiwer e réimeschen epeschen Held! E Kämpfer am galledesche Krich!

Joffer *(ass geschockt)*

Gennalo *(spréngt bei den Cimarus)*

Jo Literata, ech och! An der Schluecht vun Alesia!

An deem eise réimesche Keeser de Julius Caesar de keltesche Leeder Vercingetorix vernicht huet!

Cimarus *(si fänken eng lieweg Erzielung un)*

Et war am Joer 58 viru Christus, wou de Julius Caesar ganz Gallien wollt erueweren.

Hie steet als wär hien de Julius Caesar an hält säi Schwäert

Ave Caesar!

Gennalo

Awer de Vercingetorix, den Uféirer vun de kelteschen vereenegten Kräften, huet deen zweeten galledeschen Opstand ugefouert. 80.000 Männer hu fir hie gekämpft! A si hunn dem Caesar eng batter Néierlag zu Gergovia, d’Haaptstad vun de galledeschen Arverner, zougefouert.

Hie steet als wär hien den Vercingetorix an hält säi Schwäert

Dia duit !

Projet : C4 - Theaterstéck Gallo-Réimer

Cimarus (*houfreg*)

Awer de Julius Caesar hat eng Arméi vun nëmmen 60.000 Zaldoten!
Hie war awer prett fir an de Kampf ze zéien! Eng Revanche fir d'Nidderlag zu Ger-
govia! Hee du!

Déi zwee Kanner fänken e Kampf un bis datt den „Julius Caesar“ den „Vercingetorix“ besiegt

Gennalo (*als wär hien besiegt*)

De Vercingetorix huet dee Kampf verluer an huet beschloss, sech mat senge Män-
ner an d'Stad Alesia zrëck ze zéien.

Cimarus (*als wär hien de Gewënner*)

An dunn ass de Julius Caesar, e grouse Strateg, dem Vercingetoric gefollegt. Ale-
sia lung uewen um Hiwwel! Am Fong eng gutt Plaz fir de Vercingetorix. Sou hat hien
den lwwerbléck iwwert déi réimesch Truppen! Den Caesar awer, huet dunn Alesia
Dag an Nuecht bewaacht. Riseg Maueren ronderëm gebaut, mat Wuechtturm.
Souguer Waassergrief. Et koom kee méi eraus! A kee méi eran!

Gennalo (*verzweifelt*)

An esou konnt d'Stad Alesia keng weider Versuergunge kréien an d'Leit hunn uge-
faangen ze erhéngeren. Näischt z'iessen. E Kolleeg vum Vercingetorix, huet nach
versicht him ze hëllefen. Awer en huet et net gepackt!

Cimarus (*arrogant*)

Den Caesar huet gewaart. 30 Deeg laang! De Vercingetorix hat nëmmen nach
eng Optioun! Opginn! Hien ass op säi Päerd geklommen an ass bei den Caesar
geridden! Deen huet hien u Kette gebonnen a mat op Roum geholl. 6 Joer wor de
Viercingetorix gefaangen, bis en zu Roum zum Dout verurteelt gouf.

Gennalo

An dëst, war den Ufank vum Enn vun de Kelten. Sou huet déi Gallo-Réimesch Zäit
ugefaangen!
Eng Zäit, geprägt vun der keltescher Kultur a vun der réimescher Kultur!

Cimarus

Awer wësst Dir wat de Julius Caesar als Belounung kritt huet? De Senat zu Roum
huet hien fir seng Erfollegger op de Schluechtfelder geëiert, mat engem „Supplica-
tio“ vun 20 Deeg.

Projet : C4 - Theaterstéck Gallo-Réimer

Gennalo versteet näischt

Joffer (si steet op, klappt an verneigt sech viru de Kanner)

Bravo, Bravo, meng Schüler, ech hätt dat net besser erziel kënnen! Bravo! Bravo!
Awer erzielt mer, wat ass dann eng „Supplicatio“ ?

Cimarus a Gennalo hiewen hir Schëlleren

Joffer

Eng „Supplicatio“ war e wichtegt Ritual, an deem d'Leit d'Gëtter konnten feieren an veréieren! Zum Beispill no engem groussen Gewënn vun enger Schluecht. Wéi der jo gesot hutt, dem Caesar seng Supplicatio huet 20 Deeg gedauert!!!
Op dës Manéier goufen d'Statue vun de verschiddene Gëtter ausgestallt, an d'Leit konnten hinne Merci soen, fir déi gutt Saachen déi se gemaach hunn oder an anere Fäll ëm Hëllef froen.
Eng „Supplicatio“ kann tëscht 1 a 50 Deeg daueren.

Hei an eisem Land hu mir och Plazen, wou d'Leit Ritualer maachen a bieden, d'Tempelen. All gallo-réimesch Villa huet en Tempel. D'Gréisst hänkt natierlech vun de Suen of!

Cimarus (arrogant)

Ah jo, mir hunn esou en Tempel an eisem Haus, an der Villa Rustica vu Giewel.

Gennalo (jealous)

Mir och! Mir hunn och en Tempel an der Villa Romana vu Mamer! Mat ville Statuen!

Cimarus

Zu Giewel hu mir och Statuen, awer souguer nach besser, mir hunn eng Brauerei!
Mäi Papp sot, mir maachen dee beschte Béier vum ganze Land ! An dofir drénkt hie vill dovun!

Gennalo (nach méi jealous)

Jo, ganz gutt! Awer mäi Papp sot, eist Haus wier aus deene beschte Sandsteng gebaut! Aus der Steekaul Mamer! Nëmmen do ginn et déi Beschtt!

Cimarus (konkurréierend)

Aha! Mäi Papp sot, no bei Kielen, gëtt et déi beschten Daachzille-Fabrick aus der ganzer Géigend! An eisen Daach ass aus deene gebaut !

Projet : C4 - Theaterstéck Gallo-Réimer

Gennalo (*konkurrierend*)

Aha, aha, aha! Mäi Papp sot, datt an der réimescher Villa zu Miersch eng grouss, grouss, grouss Schwämm ass. A mir sinn all Sonndeg agelueden, fir do ze schwammen!

Cimarus (*rosen*)

Ohhhh! Ganz flott! Mäi Papp sot ...

Joffer

Cimarus! Gennalo! Satis est! Et bréngt näischt, sech op dës Manéier ze streiden. All Villa huet seng wichteg Saachen. An all Eenzel ass op seng Manéier wichteg...

Direkter vun der Schoul *kënnt eran*

Direkter vun der Schoul

Gudde Mueren alleguer!

Cimarus a Gennalo

Ave Här Direkter.

Direkter vun der Schoul (*ganz léif*)

Setzt lech léif Kanner, léift Literata.

Salve alleguer. Ech hu gutt Neiegkeeten fir lech, d'Enn vum Schouljoer erlaabt ons, endlech en Ausfluch ze maachen!

Cimarus a Gennalo (*jidderee jubelt*)

Bravo! Bravo, endlech !

Joffer (*ganz frou*)

Dëst ass eng wonnerbar Neiegkeet Här Direkter, a wou gi mir hin?

Direkter vun der Schoul

Mir ginn an déi kleng Stiedchen Mamer! E Vicus wéi mir dat nennen! Mir campen bei der Mamer a vun do aus maache mir Ausfluch an de Bësch! All Owend kënnen mir an d'Taverna iesse goen. De Vicus Mamer ass zimmlech grouss mat villen interessante Plazen. Och ee Maart an deem dir flott handgemaache Saache kënnt kafen!

Vum Schräiner, vum Glasbléiser, vum Aulebäcker oder vum Schmadd.

Projet : C4 - Theaterstéck Gallo-Réimer

Joffer

Dat versprécht jo villes!

Direkter vun der Schoul

A stellt iech vir, virdrun wor de Vicus nach méi schéin!

Leider ass de Vicus al Joer 276 bei enger germanescher Invasioun zum Deel zerstéiert ginn, dorënner déi wonnerschéin Thermalbieder! Soss hätt der och nach dohinner kéinte goen! E wonnerschéine Spa mat: Frigidarium, eng Massage am Aleipterion, eng Schwämm, en Tepidarium fir d'Entspannung, Caldarium mat waarem Waasser an ee Sudatorium fir eng gutt Sauna.

Literata, sidd dir schonn an iergendwellechen Therme gewiescht?

Joffer

Jo, natierlech! An de Keeserthermen zu Tréier.

Cimarus

Ech net.

Gennalo

Ech och net.

Direkter vun der Schoul

Natierlech dir sidd nach ze jonk dofir, awer iergendwann gitt dir schonn.

Mamer läit nämlech ganz no bei der Strooss déi vu Reims op Tréier geet. Déi Strooss gëtt och "Kiem" genannt, speziell vun a fir déi réimesch Legionäre gemaach!

Cimarus

Do wëll ech hin!

Gennalo

Ech wëll d'Legionäre gesinn !

Direkter vun der Schoul

Jo, jo, Kanner, muer ! Hei ass d'Autorisatioun fir är Elteren, déi sollen se ënnerschreiwen, bréngt se muer mat.

Hie gëtt d'Autorisatioun de Schüler

An der Rei, léif Kanner, léift Literata, bis muer. Mir treffen eis moies fréi!
Carpe diem!

Projet : C4 - Theaterstéck Gallo-Réimer

Joffer

Dëst ass eng ganz flott Neiegkeet Kanner. Kommt fir weider ze maachen wäerte mir elo schonn e klengen Ausflug maachen. Huelst äre Schoulsak an är Tafelen, mir ginn d'Insekten an deene dräi Weieren studéieren. Kommt Kanner, "Timendi Causa Est Nescire"

si verloossen d'Bün

SCHLUSS